

Hans Söllner: Hey Staat (Original)

Hey Staat, hey Staat, hey Staat,
Hey Staat, hey Staat, hey Staat,
Heit sog' da I amoi, was I ois moch für di.
Hey Staat, hey Staat, hey Staat und dann sag' du mir moi,
was du ois machst für mi.

I geh' in'd Schui' und lern' bloß des was du glabst, dass I wiss'n muas.
Ob mi des int'ressiert des int'ressiert dich net, mann, des is dir total Wuarscht.
Von Anfang an probierst nix and'res als daß'd mi hibiag'st, wias'd mi brauchst.
I lass' ma's g'foin, weil I ma denk', du werst schu wissen was du machst.
Dann geh I in'd Arweit und I bugg'l acht stund'n lang, bugg'l jed'n tog mein' scheiß Job.
Und von dem göid, das I verdieh'n ziagst ma sufort zwoa dritt'l ziagst ma ob.
Und die paar Mark, die mia nu blei'm, geh'n drauf fua Wohnung, Gas und Liacht.
Und I moch Schuid'n auf da Bank, daß I im Winta net d'afrier.

Schreibst ma mei Kleidung vor, mein Haarschnitt.
Schreibst ma mei Bildung vor, mein Job.
Sogar mein Glaub'n schreibst mia vor,
und I Depp zöi'l und ernähr' nu eian Gott.
Der bloß mi'm Finga auf mi zoagt,
I sult'n reschpektiarn und ehrn.
A grad den, der ganze Völker ausg'rott had,
oder mit Drohungen bekeart.
Kaaf deine Drog'n, Bier und Schnaps,
aba du beschimpfst mi, wenn i's nimm.
Diskriminierst mi weil I rauch',
mensch du muast 'gstaat sei, hey, du verdienst.
Durch Leit wie mi gehts dia doch guat
du missest eing'tlich dankbar sei dafür.
Daß ma di zoin für dei Geschwafel, für dei beleidigen und liang.

I bin d' schlecht fia deine Töchta, hey Staat, geee...
Du schamst di vor andre Leit für mi.
Du nennst mi asozial und dumm.
Sei froh, dass' nu so blede gibt.
Nur durch die bleden konsequenten Schleima, die si net beschwer'n.
Di hoit su san wia's san und all'wei d' händ vor'n mund haltn wenn's re'n.
Dreiss'g Joar lang hob I mein Hois g'hoidn
und dreiss'g Joar hob I g'mocht, was du mir sogst.
Dreiss'g Joar lang host sau guat fu mia g'lebt.
Und nit a oanzig's Moi host dank'scheee zu mia g'sogt.
Und jetz, wo I aufsteh' und mi wehr'
wal I hoid find', daß' endlich a moi langt,
nennst mi an Gradler und Vabrecha,
am liabsten steiet'st mi an'd Wand.
Oh mann hey Staat, hey Staat.

Und heit, gee...heit steh' I am Amadeusplatz
und da sing' I ganz laut, sing' I "Blowing in se Wind".
Mit dreitausend and're steh' I da umanand, die a für'n Friedn san.
Dreitausend, die da zoang, dass 's a nu friedlich geht mit Hirn.
Aba im Fernsehn zoagst vierz'g Skinheads, die schrein und randaliern.
Du zoagst die Wackersdorf-Chaoten,
du zoagst wia Pflasterstoana fliang.
Du zoagst net die typn,
die zum Schutz vor deine Polizisten stehn's und rearn.
Und I scham' mi für die Leit, die auf der Startbahn g'schoss'n ham.
Aba du machst dass jeda glabt, dass ma olle ja su san.

Scham du di a moi für wos, hey Staat,
vielleicht für die kloan Kinder, die g'rad ster'm.
An Leukemie und für die Eltern, die oana die Händ hoid'n und rea'n.
Dei Zeit is um und meine a und für mi mann für mi geht's sicha net dann aus gee...
Mei Bua der hod sechz'g Joar hod der voa sich und I tu ois, daß er des schafft.
Du bist koa Vorbild mehr für mi, hey Staat,
du host di raus g'fress'n vom göid,
das a andra schwar verdient,
und sogar am Hunger von der Wöid.
Host nur dein Spaß und dein Profit,
womit's dann Vökermoard betreibst.
Na mann, für des wos du da machst,
hod di von uns bestimmt nia'm'st g'wöid.

Hey Staat, hey Staat, hey Staat,
Hey Staat, hey Staat, hey Staat,
Heit sog' da I amoi, wos I ois moch für di.
Und dann, hey Staat, hey Staat,
dann sog I dir moi, wos du ois bist für mi.